


Irirangi Te Motu  
NZ On Air

# Te Pae Tata - Rautaki Māori

2024/25



## Te Pae Tata – Rautaki Māori

*Tē tōia, tē haumatia*

He kawenga āroa ki te hunga kaiwaihanga arapāho Māori me ngā minenga, ehara i te mea ka uhia te taha pūtea anake, engari, ko te wā tuatahi tēnei mō ngā wāhanga mahi whakahaere a Irirangi Te Motu.

Ko tēnei ara whakauruhei tūāpapa ki te hanga me te whakatipu I to mātou kawenga ki te hāpai ake I te ahurea Māori me tōna reo. Ko tā mātou whai tuatahi atu kia rangahaua me te whakatūngia ai hoki ngā anga ine ka tarea te whakatipu whai taunaki I runga I te tīaroaro me te mahi tahi ki te taha o ngā umanga whai pūtea me ngā kaupapa tiringa. Ko tēnei kōkiri whakamua nui rawa ka whakarato i te papanga kē atu me ngā rautaki pai ake ki te whāngai atu ki ngā hua whakareia mō te hunga kaiwaihanga arapāho Māori me ngā minenga. Ko ngā kōrero kua kohia e mātou hei te tau e heke mai nei ka tū hei te pūtake mō te tuatahitanga o ngā tātaritanga ā tau o tēnei rautaki kia tika ai tā mātau whakapau kaha ki ō mātou takohanga me te ahu whakamua.

Ka whakamanaia a Irirangi Te Motu I roto I tēnei mahi e ngā mea kei raro nei:

- Tō mātou ture whakahaere, Te Ture Pāpāho.
- Ko Tō Kāwanatanga Kaupapa Here mō te Whiwhinga Tātaitanga Māori
- Ko tō mātou takohanga hei umanga Karaunga ki Te Tiriti o Waitangi



### Tō mātou kawenga ki Te Tiriti o Waitangi

Hei hinonga Karauna tō motuhake, e whakamanatia ana Te Tiriti o Waitangi e mātou hei tūāpapa o tō tātou tuakiri hei motu me te hononga ki Ngā Māori kei tōna rito. E mōhiotia ana e mātou tō Māori mana ki te tino rangatiratanga, ā, ka whai whakaaro mātou kia uru atu ki tā mātou mahi, ko ngā whanonga pono o Te Tiriti o Waitangi:

#### MANA TAURITE

Ko ngā hua tautika mō te hunga toi me ngā mātakitaki

#### WHAKAMARUMARUTIA

Kia whakatenatenatia te Reo Māori me ūna tikanga i roto i te umanga me ngā mea kua utua

#### KŌWHIRINGA

Ko te mana o te kōwhiri mō Ngā Māori kia whai wāhi atu ki Te Ao Māori me Te Ao Pākehā

#### MAHI TAHİ

Mahi Tahī ki te hunga whaipānga Māori me ngā iwi kia tika ai ngā painga pātahi mō ngā mātakitaki katoa

Mā ngā pūrākau me ngā waiata e hono mai ngā tāngata o Aotearoa

Ka whai atu a Te Pae Tata ki te:

- Kia ngaringari ake ngā minenga Māori, te hunga kaiwaihanga arapāho Māori
- Kia whātauia, kia repoatangia ai hoki ngā hua ia tau
- Whakamāheretia tētahi rautaki reo Māori, kia āta tirohia ia tau
- Kia tika ai te whakaputanga whakaaro o Ngāi Māori, ā, kia tautokona ake ai rātou I roto I te rōpū whakahaere.
- Kia waihangatia ai te whai wāhitanga tuturu ki ngā pūtahi Māori, ngā iwi, ngā hāpori me ngā minenga.

#### **Me pānuihia ngātahi tēnei ki te taha o tā Irirangi Te Motu Te Ipukarea.**

Ko ngā whāinga me ngā mahi e whai ake nei ka tuia ki roto I ngā wahanga katoa o tō mātou rōpū whakahaere.

#### ***Wāhanga Tuatahi- Whai Pūtea***

*Ko te pūtea nei tae rā anō ki ngā Mea Tuhi me ngā Kōrero Pono I roto I ngā kaupapa toi pāpāho, hai tauira ake ko ngā kiriata, ngā reo irirangi, ngā pakihere rokiroki me ngā mea ipurangi pāhekoheko. Ko tēnei mea ipurangi ka tuari atu ki te maha o ngā pae, tae ana ki ngā pae matihiko, reo irirangi me te whakaata. Kei roto i te wahanga nei ko tā mātou mahi rangahau, ngā whakaaturanga, tā mātou whanaketanga, ō mātou akoranga, te tuari atu me te kitenge atu.*

#### **E toru ngā whāinga o tō mātou rautaki whai pūtea Māori:**

1. Kia tipu ake ai te whakaahuahanga o te reo Māori me tōna ahurea i roto i ngā kaupapa utua.
2. Kia tipu ake ai te toro me te whai wāhi atu o ngā kaupapa utua ki ngā minenga Māori
3. Kia tipu ake ai te āheitanga me te raukaha o te hunga kaiwaihanga arapāho Māori

**WHĀINGA 1:** Mā te whakamahere anga inenga me te whakapakari ake ō mātou rangapū ka tipu ake ai te whakaahuahanga o te reo Māori me tōna ahurea I roto I ngā kaupapa utua

#### **HEI MAHI**

Whakamaheretia me te whakatinanatia hoki tētahi anga hei whakarōpu, ā, hei whakatakoto I te papa kia taea ai te ripoata. Nā te Irirangi Te Motu I tuku putea ki ngā kaupapa e tautoko ana i te hāpai ake o te reo Māori me tōna ahurea.

Kia mahi tahi ki Te Māngai Pāho hei whakaputa i te rautaki roa mō tētahi puna pūtea ngātahi.

Kia mahi ki te taha o ngā pae komihana kia pai ake te mātau atu ki ō rātou rautaki kaupapa kōrero Māori hei whakawhanake i te tīaroaro ki Irirangi Te Motu.

Kia mahi ki te whakamauru i ngā take ka taea pea te tautāwhi te whakanaonga Māori.

**WHAINGA 2:** Kia mārama ai ki te whakapeto arapāho me te tino hiahia o ngā minenga Māori hei whakapakari ake I te whātoro atu o ngā kaupapa utua mā te mahi tahi me te whakatairanga.

#### **HEI MAHI**

Mā ngā pūrākau me ngā waiata e hono mai ngā tāngata o Aotearoa

Kia whakaaro hia ake me te whakaputaina ake te rangahau e pā ana ki ngā minenga Māori hei whakatau i ngā taumata I te tau pūtea 2024-2025, ā, inenga pāpātanga I te tau putea 25-26 e haere ake nei, ngā kaupapa ā-rohe kaimātakitaki I waenga nui I ngā minenga Māori.

Kia whakapiri mai ngā minenga Māori I roto I te mahere whāinga mō te katoa o te katoa o ngā kaupapa pāho I te taumata utu 1 nō Irirangi Te Motu.

Kia mahi tahi ki ngā pae komihana hai piki ake tō rātou mohio ki ngā rautaki o ō rātou minenga Māori, ā, kia whakapakari ake i te tīaroaro o ū Irirangi Te Motu whāinga.

**WHĀINGA 3:** Kia tipu ake ai te āheitanga me te raukaha o te hunga kaiwaihanga arapāho Māori

#### **HEI MAHI**

Kia āta tātaringia ai te āhua o te rāngaimahi kaiwaihanga arapāho Māori e whakapiri ana ki ngā kaupapa kua utua e Irirangi Te Motu hei whakamohio atu i te rautaki whakatipu.

Kia ripoatangia ngā hua o te tau pūtea 24/25 ki te taha o te 8% Kaupapa Here mō te Whiwhinga Tātaitanga mō ngā kaipākihi Māori hei whakahou I te whāinga whātoro mō te tau 25/26.

Kia mahi tahi ki te taha o te mahinga me ngā rangapū kawanatanga hei hāpai ake I te raukaha I te rāngai kiriata.

## ***Wahanga 2- Waiata***

*He wāhanga pūtea tēnei ki ngā Waiata Kotahi Hou, Ngā Kaupapa Waiata Hou, ngā whiringa Motuhake, ā, hei tauira ake ko te Waiata Takitahi me te whakatairanga.*

**WHĀINGA 4:** Whakapūmautia tētahi puna taungaki ki te whakatau I ngā mea tautoko e hiahiatia ana kia hāpai ake I ngā hua Māori I te mahinga waiata me te whakatinana rautaki.

#### **HEI MAHI**

Kia whakahaeretia ai tētahi tirohanga hou ki te whānuitanga o te Hāpori Waiata Māori e pā ana ki ngā rautaki hai tautoko me te hāpai ake I te hunga kaiwaiata me ngā kaitito waiata Māori.

Kia whakamahingia ngā tūtohutanga o te tirohanga hou nei hei whakapakari I ngā rautaki e hāngai pū ana ki te whāngai I te rāngai waiata Māori me ngā minenga Māori.

**WHĀINGA 5:** Whakarähingia ngā mea angitu ki te whakatipu I ngā hua waiata mō Ngāi Māori

#### **HEI MAHI**

Kia haere tonu te tautoko atu ki te puna pūtea ngātahi o te Waiata Takitahi ki te taha o Te Māngai Pāho, kia taea ai e te puna nei te whakatutuki ngā taumata katoa i roto I ētahi atu puna pūtea.

### ***Wāhanga 3- Ā-Rōpū Whakahaere***

*Ko ēnei whāinga me ngā mahi hei tapirihia atu ki ētahi atu whāinga ā-rōpū me ngā inenga e kōrerohia ake nei I ngā pepa whai mana, ā, ko te Tauākī Kawatau.*

**WHĀINGA 6:** Kia tika ai te whakatinanatanga mai o Ngāi Māori, ā, e tautokona ana rātou hoki I roto I te rōpū whakahaere.

#### **HEI MAHI**

Kia repoatangia te paepito o nāianei o te whakaaturanga o Ngāi Māori I roto I te katoa o te rōpū whakahaere (ko te mana kei runga me te rāngaimahi kei raro).

Kia āta tirohia ngā kaupapa here me ngā aramahi mō ngā kaimahi ( ngā mea whakatānga hoki) , kia whakatenatenatia ai ngā kaimahi Māori ki te whakauru atu ki roto I te rōpū whakahaere, ā, hei tautoko I a ratau ki te whakauru atu. Kia āta tirohia ai ngā kaupapa here kia whakaahurutia te tūoho ahurea o ngā kaimahi.

**WHĀINGA 7:** Whakawhānaketia me te whakamaheretia tētahi rautaki reo Māori hei hāpai ake I te whakarauora reo Māori.

#### **HEI MAHI**

Whakawhanaketia tētahi rautaki reo Māori e whakamanahia ana te mana o Te Reo Māori hei reo whai mana me te hāpai ake I te reo Māori I roto I ngā kaupapa utua, ngā whakapāpātanga me ngā tukanga.

Kia waihangatia te raukaha o ngā kaimahi me te āheitanga ki te whai haere I tō mātou takohanga ki te tautoko tonu mō ngā wānanga reo me te whakangungu o ngā kaimahi mō Te Tiriti.

**WHĀINGA 8:** Kia mahi tahi ai ki ngā rāngai waihanga arapāho Māori me te ao Māori.

#### **HEI MAHI**

Kia whakawhanaketia tētahi rautaki hei hāpai ake i te whai wāhi kakama ki te mahinga Māori me ngā rangapū kāwanatanga hei whakatutuki I ngā hua pai ake ki te rāngai waihanga arapāho Māori.

Kia whakawhanaketia tētahi rautaki whai wāhi kia waihangatia ngā ara ki te taha o Ngāi Māori I ngā taumata katoa, mai i ngā rōpū rāngai tae noa ki ngā iwi, ngā hāpori me ngā minenga.